

аныццызгъи ащардагъв драпшта агъваз камера дтадзтI, ауаса ауи Агъахчагъвы Иисус йгъвы дтан. Ари учвапсаква зрыкъба-зызуа апны дтадзызтынгъи, ауи ажвгъванд амгъва йзыхътIпI. Ауасйат Шыц апны (йгъуахъ., Мат. 7:13; 5:29-30; 18:8), Иисус Христос хызчвихчауа аджъахланам агъвычгъвыгъыс закIгъи йгъыхнагушым, дгъачвахчушым. Джъахланам Освенцим йгъавкухырквын цIхъватшчIвара амамкIва «йынхитI», ахъаз утал тIакIв уапшыта угъзгIатыцIхуам.

Ажвгъвандгъи цIхъватшчIварапI. Ари Анчва хIгарныс ъайтахъу акIвпI. Ауи акIвпIта, Анчва шванирайгъвара швйыз-ца. Анчва Йыхъыз гIазшышвтта, йгIашвшвыргъвалашвата ажвгъванд апны чIвартта швкIы!

Зны лекциякI амцтахъ пхIвыскI лгъвы актъвпуа дгIасцIгIатI: «АцIыхъватшчIвара апны пасата чIвартта узыкIуашма? Ари ауис ахъыкIвшара, аныкъвара бюро гIаснаргIвалашвитI!» Саргъи ауи йлыцскIтI: «Пасата чIвартта зымкIуа ймурад гъ-гIайдахIвуашым. Гавай адзыгIвбжъаква рпны бцара бтахъ-ызтын билет бымазара атахъыпI». АпхIвыс датагIасцIгIатI: «Щта абилет ахча азутира атахъыпIщтI?!» - «О, щта, ажв-гIанд уызлацуш абилет ахъазгъи! Ауаса ауи абилет ауи аъара йтлапIапIта, хIыуа заджвгъи ауи ахъ гъызышувшым. Ауи йапырасуа хIыгъынахIква ракIвпI. Анчва ЙпаштахIгIава апны гIнахIкIгъи йба дгъауам. Ари абазара амцтахъ Анчва йцIыхъватшчIвара апны йаъазара зтахъу йапхъахауата йыгIвахIква йшвара атахъыпI. УыгIвахIква узыршвауа гъынахI змам Иисус Христос йакIвпI. Ауи азаджв йакIвпI хIызыгIахчуш! Ауи хIгIахчара а-Джъуар апны йщала хвы азитихъатI, даныршуаз агIан.»

Щта йачIвыйа ужвы йсчпара атахъу ажвгъванд апны йцIыхъ-ватшчIварау абазара гIасаура ахъаз? Анчва дасузлакIгъи тшхIзыгIанайыхитIта АгIахчара хIазирайгIвитI. А-Библия апны щардазджъара Анчва йызышIтра хIшапылуаш гIахI-нарбитI:

- **«ТшшвырхIазыр агъашв тшвала швнашылныс»** (Лук. 13:24).
- **«ШвайгIваджъ, йауа ухIварыквын, Ажвгъванд Пашта-хIыгIава гIаргванхатI»** (Мат. 4:17).
- **«Агъашв тшвала швнашыл; йауа ухIварыквын, адзра уазызырцауа агъашвгъи амгIавагъи тыбгIапI, щарда-гIы дара-дара ауыла йцитI; йауа ухIварыквын, аб-азара уазызырцауа амгIавагъи агъашвгъи тшвалI, ауат зызгIауагъи мачIпI»** (Мат. 7:13-14).



- **«УыззыгIаршаз ацIыхъватшчIвара базара тшад-кIыл»** (IТим. 6:12).
- **«Анчва Иисус Христос йызыхъацIата угIахчахуштI...»** (Деян.16:31).

Арат зымгIава швабыж йхъаунарцIауата, йарыбагъауата хIа хIызышIрититI. Арат алкIгIараква рпны хъмарракIгъи алам-кIва, багъята, йащтацауата, датша зны йазыщтIацIа йа-муашта Анчва йызышIтра хIахIвара хIазнарцитI, хIахIварагъи, йгIауахвырквын, ари акIвпI йшбжъыргуш:

«Анчва Иисус, ужвы йагIадзав Уара уаъамышшва сбзатат. Ауаса уахъчIва Уара уыздырын ахIварала тшнаузынасыр-хитI. Ужвы джанатгъи джъахланамгъи шаъу здыритI. Са Уара снауыхIвитI джъахланам сачвухчаныс, сыгъынахIкви Уара йауызыхъасымцIузи джъахланампI йсквнадыр-гауа. Ужвы тахъырата йсыму закIыпI – знымзара-зны Уара уыздхъа Ажвгъванд апны саъазланыс. Са йыздыритI, бзи-рата йсчпалакIгъи, уыс бзита йсхалакIгъи Ажвгъванд апны Уара уыздхъа чIвартта гъсызркIуашым, Ажвгъванд амгIава сыгIахъызытIуаш Уара уызхъацIара заджвкI акIвпI. Йауа ухIварыквын, Уара са бзи субитI, Уара са сыхъаз а-Джъу-ар апны тшдуырщытI, сыгъынахIква зымгIава науахвын Уара упсрала са сIапщIугатI. Ауи ахъаз са уара сузыразпI. Уара са сыгъынахIква зымгIава удыритI - сангIанша уалагата уахъ-чIвадза. Съадзабзазауа гъынахIта йсчпаз зымгIава удыритI: са йыздырквауагъи, са йсхъаштыхкIвазгъи. Уара са йспцы-лу зымгIава удыритI. Уара сгъы аъащаква зымгIава удыритI – гъыргъбаразтынгъи гIасразтынгъи, сгъы чIвазтынгъи, сгъы кIахIазтынгъи. Уара упахъ са йхътIу акътап сапшпI. Са ужвы сшаъула, уыжвгIандзара сIбзазазла, Уари псы зхъу Анчви сгъызнашвпырагIуашым, Ажвгъванд сгъызнахъалуашым.

Ауи ахъазла Уара снауыхIвитI: сыгъынахIква зымгIава сы-зуыргIваныс, сара сыгъынахIква гъыхътIыла срайгIваджъ-итI. Ужвы йнанаркIыта са Уара унашва схъуцIарныс унаса-хвитI. Сара сбзазара Уара умчхъара йазхъасцIитI. Са Уара йшутахъу апшта сбзазарныс стахъыпI. СуыхIвахитI, угIас-цIхърагIата Уара уыздхъа саъазара йгIапырасуа аъащаква зымгIава нсрых. Уара йатахъу ащцараква гIасылацIа. Уара уажва - а-Библия ацIабыргъ сыгIахътI. А-Библияла йгIаса-ухIвуа ажва гIасгъынIврала угIасцIхърагIа, ауыла абазара къару шыцIкIва, абазара айгъыргъъара шIгIасауашла угIас-цIхърагIа. Ари йнашларышвта Уара са УСЫНЧВАПI, Уара сушызлара стахъыпI, Уара суцIыхъвагылагIвхара стахъыпI. СуыхIвитI, ужвы сызлацуш амгIава гIасуырбанысла. Са Уара сузыразпI сбжыи ъаугIаз ахъаз. Са Уара уажва йазхъасцIитI, уажва йгIацIанакIитI – са Уара тшаннаузынасырха Анчва сисабихатI, знымзара-зны цIыхъватшчIварадъа Ажвгъванд апны Уара уыздхъа саъазлуштI. Ужвы йнанаркIыта абазара баргъыраква рпны, йгIаншалакIгъи лахъвгIахъасрипхъад-за Уара са сыдзхъа уъанызлуш са сыхъаз насып дупI, гъыргъбарадупI. СуыхIвитI, угIасцIхърагIата гъыхътIы-ла Уара йуызыхъазцIауа, а-Библияла йбзазауа уагIа гъыпI гIасрау, йанакI-вызлакIгъи Анчва Йажва шызгIалуш апш. Аминь».

Апрофессор, атехника наукаква рдоктор Вернер Гитт



Title of the original edition: Wie komme ich in den Himmel?  
Author's homepage: [www.wernergitt.de](http://www.wernergitt.de)

Bruderhand-Medien  
Am Hofe 2, 29342 Wienhausen, Germany  
Tel.: +49 (0) 51 49 98 91-0, Fax: -19  
E-Mail: [info@bruderhand.de](mailto:info@bruderhand.de), Homepage: [bruderhand.de](http://bruderhand.de)

Nr. 120-68: Abasinisch (kyrillisch) / Abaza (Cyrillic), edition 2021

# АжвгIванд сIшахъалуаш?

Вернер Гитт

# АжвгІванд сшпахъалуаш?

Ауагла ащардагІв апсра йазхъвыцыргыи, йцыхъватшчІварама, цІхъва змам абазара йгъазхъвыцуам; йгъгаргвынгІвуам рхъвади анпсра йцыхъватшчІвадару абазара шрызпшуа – йа ажвгІванд апны Анчва йыдзхъа йа джъахланам апны цІхъва змам апсра. Америка йауу аактриса Дрю Беримор быжьсквша ахІа дыртамкІва афильм «АГІвыма планета йауу» апны дІгяхъмарын, зымгІва дырдыруа дйаачІвахатІ. 28-сквша анылхъыцІ, (лара асквш 1975 адуней дІгаквылтІ) араса йылхІватІ: «Сцгвы апхъа спсуазтын, схъвади ауи йашврыф. Йамауазтынгыи ацгвы ауацІа стата сбзалапІ.» Йгъгвасрамма, йгъгвымхама апсра ауыс апны ари ахІа глаугвнымгІвуа, ари ахІа уазымхъвыцуа?

Иисус йзаман агІан, Ауи уагла щардагІв йызгІлайлун. АйхІарагІв уыста йызрымаз адуней бзазара йацрахаІван:

- **апхтра йнанауахвыз ажвагІв бзихарныс ртахъын** (Лук. 17:13);
- **алашквва рылаквва йырбахныс ртахъын** (Мат. 9:27);
- **азаджвгыи ачІен агІвшара апны цхърагІлара йтахъын** (Лук. 12:13-14);
- **афарисейквва азцІгІлара къвыш рымата йызгІлайуан: акесарь къвады йыртуашма йыгъйырымтуашма?** (Мат. 22:17).

МачІыгІвкІгыи, ажвгІванд йшхъалуаш ддырдырра ртахъыта, Иисус йызгІлайуан. ЧкІвыншІакІгыи Иисус дзыпшгІлун, азцІгІларакІ йыйтра йтахъыта: **«ЦІахІ ду зкву арыпхъагІв! ЙачІвыйа йсчпара атахъу ажвгІванд схъалра ахъаз?»** (Лук. 18:18). Иисусгыи ачкІвын йыму, йзаргвану зымгІва йтиуазтын, йара дшизаргванхушыз, дйыцыл йшауашыз йайхІвтІ. Ауаса ачкІвын швабыж дбайан, йбайара далцІныс гъйымуытІ, ари йгІланакуаз закІын – йцыхъватшчІвадару абазара гъйымуытІ. АзджъакІгыи ажвгІванд апны йцыхъватшчІвадару абазара йгъазымпшгІлузтІ, ауаса Иисус йанйныи амщтахъ, зымгІва гІаргвынгІвын, Ауи тшйыдыркІылтІ. Йглауахвырквын, Закхей Иисус дйагІвацара йтахъын, ауаса йтахъыз айхІа гІайхъахІатІ – Иисус Закхей йпны дсасуата чай шрызвуазымца – ажвгІанд амгІаны гІайгвынгІвытІ.

Иисусгыи арии йхІватІ: **«УахъчІва йнанаркІын, ари атдзы глахчахатІ».** (Лук. 19:9).

## ЦІхъва змам абазара шпаглауаш?

Хъахъыла хІызлачважваз йгІлгвыннаргІвитІ:

- АжвгІванд ПаштахыгІва агІвычІвгІвыс йалкІгу мышкыи йгІлайуитІ. Шваргыи, хвы зму апхъагІвчва, йжвдырра атахъыпІ, уахъчІва акІвызтынгыи Анчва швйыдкІылата йцыхъватшчІвару абазара шшвызгІлауаш.
- АжвгІванд ПаштахыгІва аглаура йалкІгІлата хачІвборчкІгыи, хъваквыракІгыи йгъырцрахаІвам;
- АжвгІванд ПаштахыгІва аглаура йалкІгІлата тшазрыхІа зыракІгыи гъатахъым.

ЦІхъва змам абазара азыпшгІлара апны Анчва Йажва хІазымдыргІврыквын - хІара хІлыхраквва, хІтахъыраквва закІгыи йгъашысым. Аэстрада уарадхІвагІвкІ аджъагІафа йзынарху уарадкІ апны йылырбагъьун: «ари ажвгІванд дхъалуаштІ, йанакІвызлакІгыи ауагла йыргвыргъытІ, йырхъыччитІ» - хІва. ПхІвыс байакІ ауагла рцхърагІларала фонд лыман, ауи пхІвыс рыцІлата 20-гІвы гІвнашвауата пхъарта лыргылтІ, ахчадъа йшбзазушыз, ауаса ауат ансимшы апшвыма лпсы шглахчахушызла сахІаткІ Анчва йыхІвара атахъын.

## АжвгІванд хІшпахъалуаш?

Ари азцІгІлара джъауап айтуата Иисус хабаркІ йхІвалун (Лук. 14:16): ГвычІвгІвыскІ (ахабар апны ауи Анчва йакІвта йгІланайыркІитІ) хъвмарра дукІ йчпушта йаквикІтІ (ахабар апны ажвгІванд гІанайыркІитІ), уагла щардагыи гІазшІиттІ. Ауаса йащтагІлайуата йгІаншаз джъащахъвапІ. ЙгІазшІитыз зымгІва, заджвы далымшвтуата, аджв аджв диуыхІвтагылата ахъвмарра йгІайныс гърымуытІ: «Йайчважвазшва тшახънадыргауа йалагатІ.

Йапхъахауа: адгъылкІ схвгІан...

ЙгІвыджъахауа: чвыта жваба схвгІан...

ЙхыгІвхауа: пхІыс дІгазгын гъызынайуам».

Иисусгыи ахабар йызшызтуаз йажвала далгитІ: **«Са швара йшвасхІвит, арат йглазшыстыз заджвгыи сфачІвы гъушІашвушым»** (Лук. 14:24).

Ари йгІанакІитІ, АжвгІанд ПаштахыгІва йгыи йуызгІлауитІ, ауаса йучвыдзгыи йауаштІ. Йхъадата йалитІ – уанызшырт уца-

ма, момкІва угъымцама. Ари ацкІыс майра кІара аъумиштІ? ЙгъгІаншарым! Знымзара зны хІыуа ащардагІв АжвгІанд ПаштахыгІва йнамшылырквын йшвхІаусыглахуш йшнашылауш рымдыруата гъакІвым, йандрайгІва йтамцаз акІвпІ.

Ахабар йалу ахыгІв хІыхъаз йшвапхахара гъатахъым, йауа ухІварыквын рыуа заджвгыи ахъвмарра данызшыртуаз дгъымцатІ! Ауаса, ахъвмарра акІвшатІ! Ауат анйызгІлами, ахъвмарра зчпуз агІвычІвгІвыс рхъатала йгІазшылымтуата ахъаз ажвала зымгІва гІайрайгІвауа далагатІ: «ШвгІайгІва!» ЙгІайгІвалакІгыи ахъвмарра апны йара йзалху чІварта йман. ЙгІаншайа щта? Ауагла гІайуан. ЩардагІвыта йгІайуан. Памта гІакІв анагІвс, апшвыма дІгапшын, чІварта щарда аъаркІвапІ! Йычрын йайхІвтІ: «Уцата ужвыгыи йшгІлайуаш рахІв...»

Ари ахабар швабыж бзита уыжв хІзаман гІаунарбитІ. АжвгІванд апны чІварта щарда аъаркІвапІ, Анчвагыи йгІахІызшІититІ: «УгІайта ажвгІванд апны учІварта кІы. Ууасаражвха, ацыхъватшчІварадара апны учІварта кІы! Ари уахъчІва йчпа!»

АжвгІванд йузымхІвушта йпшдзапІ, ауи акІвпІ Иисус ажвгІванд ахъвмарра ду йзашйырпшуа. Акорфинянквва йапхъахауата йрзищтийыз агІвыра 2:9 апны ажвгІванд ахъаз араса йаныпІ: **«Заджв йылагыи йгъамбастІ, лымхІлакІгыи йгъамгІастІ, гІвычІвгІвыскІгыи йгъвы йыгъгІатамшвастІ, Анчва бзи дызбакввауа йырзирахлазырыз».** Адуней ахъахъ ажвгІванд мачІдзакІ йашІуырпшуаш закІгыи гъыквым. Ауаъа йузымхІвушта йпшдзапІ! АжвгІванд ахв ауи аъара йдупІта, йгІаншалакІгыи ауаъа ацара агІвхІцтта амаль гъаъам.

Анчва Йпа, Иисус ажвгІванд ашв хІзыгІайтІтІ, Ауи йхІлатырла хІара ажвгІванд ацара швабыжта йхІзымайрахатІ. Ужвы зымгІва знапыцІлу хІара хІтахъыраквва ракІвпІ. Ахабар йалу ауат ахыгІв рапш згыи зпсы хъара йымпшуа ракІвпІ, ауаъа анашылра зымуа.



## Аглахчара знапыцІлу Иисус Христос йакІвпІ.

Аапостолквва Рхараква акътап (2:21) апны магІан ду зму ажваквва хІрынйитІ: **«ДзачІвызлакІгыи, Анчва** (Иисус) **дІгашшызтыуа дІглахчахуштІ.»** Ари Ауасйат Шыц апны йгІалкІкІкІыуа рыбагъьарата йалапІ. Аапостол Павел Филиппы къала апны атутанакътара дантачІваз, акъалагІвыр дйачважвауата йажва араса далгатІ: «Анчва Иисус Христос йызхъацІлата, ухъагыи утдзы шабгуги глахчахуштІ» (Деян.16:31). Ари ажванахъа ахвышири, ахъарысри урымпшута, агІвычІвгІвыс йбзазара швабыжта йазыпсахуаштІ. Йара ауи уаухъ акъалагІвыр йбзазача дайгІваджын Иисус тшизынайырхатІ.

Араъа ужвыгыи амаль амамкІва йгІдырра атахъу аъащакІ хІанйитІ: Иисус джъахланам апсра амгІва хІгІаквидара йтахъыпІ. А-Библия йшахІвауала ажвгІванд апынгІи, джъахланам апынгІи ауагла цыхъватшчІварара амамкІва йаъазлуштІ (йбзазуштІ). Азджъара аъазара джъащахъвапІ, азджъара – учвапсаквва арыкІязызитІ. Йхпахауа аъартакІгыи гъхІымам. Апсра амщтахъ хвдакІкІкІакІла заджвзаджвыкІгыи уанпсра закІгыи гъаъахым гызыхІвахуашым. Уыста йаъу зымгІа Иисус Христос йпны йахъваквыцІитІ. АцыхъвашчІвадарара апны хІаъазлара знапыцІлу Иисус заджвыкІ йакІвпІ, Ауи хІари хІазазаъащаквва ракІвпІ!

ЗныкІ Польша апны лекциякввакІ срыпхъауа саъан, ауаъа аконцлагерь Освенцим хІцатІ. Йхпахауа арейх агІан араъа учвапсаквва зрыкІязызуа агІаншараквва акІвшун. Асквш 1942 йгІашларышвта асквш 1944-дза араъа уагІата мильуанкІи бжакІи гІвазла йырхъваратІ, йырблытІ, йалкІгІлата аджъутквва. Алитература ажвата йгІалахат «Освенцим аджъахланам.» Ари ажва ахъа йгІалахаз сазхъвыцуан агІвазла зныла цышвыгІвъатархъваруз акамера саныгІвнагылаз. Ари уыла йгъуызгІацІажуам, арии гвасрадупІ. Ауаса арии джъахланамдзазма?

ХІара хІэкскурсия гвып арат агІваз камераквва йрзыпшун, йауа ухІварыквын араъа заджвгыи дгътархъварахуам, джъабагІа гыдырбахуам. Ари ахабзамыгІвхъвгара асквш 1945 йшырчІватІ. Освенцим агІваз джъахланам агІамта апны цІхъва аман, а-Библия гІазквчважвауа аджъахланам цІхъва гъамам.

Освенцим амудей аблын апны аджъуар аныта сыла наквшватІ. Ари атутанакътара йтакІыз аджвы чІвымыгІла аблын апны дзайгІвгъуз йгъыгъьан йаницІатІ. Ари аджъуар